



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 39. Gregorius fugit.

[urn:nbn:de:hbz:466:1-66293](#)

Sæcul. XV.
A. C. 1409.

Th. Niem.
e. 45.

e. 49.

properabat egredi, Regemque Ladislaum per litteras orabat, ut hoc ipsius iter adjuvaret. Rex ad portum Austriae vicinum duas ei triremes misit, & armatos quinquaginta circiter, qui eum præsidii causa eo usque comitarentur.

§. XXXIX.

Gregorius fugit.

Postquam advenerant, Gregorius ad abeundum cum eis, quam poterat, occultissime se parabat. At Veneti, quibus res subolebat, quorundam negotiorum se contingentium causa Oratores ad eum miserunt. His ille diem statuit, qua responsum acciperent: sed antea quadam die profanis induitus uestibus primo mane consenso equo discessit duos inter pedestres comites. Ii, qui per Patriarcham Aquilejensem, aut per Venetos in insidiis collocati erant, illum pro mercatore, aliove laico habitum libere prætervehi finebant, quod se ob unicum hominem equestrem in apertum conjicere nolent. Sed paulo post exiit ex urbe Paulus Gregorii Camerarius, & arcanus Judent in amictu rubro quasi magnus quidam Præfus, & inter armatos quam plurimos a Rege Ladislao missos. Seabantur illum etiam mulæ, aliaque jumenta multa Gregorii sarcinas dorso portantia.

Ins-

Infidiatores Paulum esse Gregorium ipsum rati incitatis equis appropenant: A. C. 1409. Sæcul. xv.
 comites illius cunctos, ipsaque jumenta capiunt: Paulum non esse Papam, quantumvis ei similem vident: ubinam Gregorius agat, quærunt: solum equestrem duos inter pedites præteriisse audiunt: effusissimis eum habenis inseguuntur usque ad locum Goritiæ Comiti subjectum: ibi comperiunt, illum consensa statim navicula secundo flumine vectum in mare, triremibus se commisisse.

Igitur pudore suffusi redibant ad socios, quibuscum repertos captivos Utinum ducebant. Sed in contemptum Gregorii Confessarium ejus Paulum rubra exutum veste supra thoracem fustuariis contundebant: & cum quidam obstaculum sensisset aliquod, illi detractum in thoracem infutos videbat quingentos florenos aureos quos cum sociis gaudentibus partiebatur. Alius veste indutus rubra, cum per Utinum equitaret, identidem ducta in crucis formam dextera Papam populo bene precantem simulabat.

Reliqui de comitatu Gregorii non au- Th. Niem.
debant exire Austria, ubi remanserant. 6. 50.
 At sub medium Octobrem per conductum a se præsidium quingentorum de vicina equitum Germanorum ex illa urbe deducti sunt. Erat inter eos quidam ex Ordine Minorum Petrus Vasco, qui confiden-

Sæcul. XV.
A. C. 1409.

ter prædicebat, Gregorium solum manus-
rum Papam; & publice contendebat, Pa-
pam non posse suam relinquere sedem si-
ne salutis æternæ damno; editisque ju-
ramentis Gregorium non teneri. Sic Pa-
pæ isti blandiebatur convictor suus. Gre-
gorius consensu triremi delatus in Apru-
tium, Cajetæ sub tutela Regis Ladislai
hærebat. Curia illius erat infrequens:
ad eam parum pecuniæ afferebant, qui
gratias postulabant: & partes illum suæ
Regis metu potius, quam sponte vene-
bantur.

§. XL.

Alexander V potitur Roma.

Papa Alexander adhuc Pisis agebat;
cum illud advenit Rex Siciliæ Ludo-
vicus II ex Andegavensi prosapia, magno
honore acceptus a Papa, & Cardinalibus,
præsertim Gallis. Junxit se illi Baltha-
sar Cossa Cardinalis Diaconus de S. Eu-
stachio tum pontificius apud Bononien-
ses Legatus: ac Ecclesiæ copiæ una cum
regiis sub medium Septembrem transfere-
in Hetruriam, & S. Petri patrimonium:
ubi cunctæ urbes, arcesque ad Eccle-
siam pertinentes Alexandro se submitte-
bant. Rex Ludovicus, & Cardinalis Le-
gatus Romam usque progressi castellum
S. Angeli obtinuerunt per Paulum Ur-
finum,

c. 52.